

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Illvstrivm Virorum Epistolae, Hebraicae, Graecae et Latinae, Ad Ioannem Reuchlin Phorcensem virum nostra aetate doctissimum diuersis temporibus missae

Reuchlin, Johannes

Hagenoae, 1519

Nicolaus Gerbelius Phorcensis, Ioanni Reuchlin S.

[urn:nbn:de:bsz:31-270838](https://nbn-resolving.org/urn:nbn:de:bsz:31-270838)

EPIS. ILLVST. VIRORVM AD

Scripsi uir clarissime aetate elapsa cum hinc Treuerim abitus
 sessem, simulq; tibi ostendi Demosthenis orationes una cū com
 mētariis ex Venetiis allatas esse. Inde cū reuersus essem a meis
 intellexi, libros illos ad te fuisse transmissos, utrū uero illos recepis,
 nec ne haud dū cōpertum habeo. Bene itaq; feceris si hac de re me
 certiore reddas. Scripsissem cōfestim post reditū meum, sed uix li
 mini pedem intuleram, tum iterum abire coactus fui, nūc q; demū
 post multos reuersus sum labores. Sed quæ scribenda erāt breuibus
 accipe. Prohibuere olim Ephesi nomen scelerati illius hois q; Dia
 næ templum succenderat litterarum monumētis inseri, scilicet ne
 ex facinore illo nefasto perpetuam memoriā assequutus esse uide
 ret. Tu uero hoīem tibi inimicissimū, & q; aliter doctis p̄cipue igno
 tus fuisset libris tuis celebras. Vidi enī nuper libellos tuos a te emis
 sos, in quibus semiuidai illius mentionem facis, hominis cuius me
 moria de terra uiuentium delenda esset. Sed scio respondes, te non
 laudibus sed meritis conuiciis illum p̄sequutum esse, & recte quidē
 At non uides id quod antea dixeram, illum hoc pacto famam seu
 magis infamiam assequutum esse, & quod ppriis uirtutibus sibi de
 negatum uiderat, id inimici opa quæsiuisse, scilicet ut doctorū uo
 laret per ora uiuorum, nollem itaq; dehinc opuscula tua tali piacu
 lo scēdare, p̄cipue cū nil ad monstrum illud attinerent. Hæc ut
 amicus qui te ob uirtutes tuas innumeras suspicit & uehementer
 amat scribo. Tu uero quid faciendum sit mature considerabis. Re
 peri Treueri antiquitates uarias tā græcas q̄ latinas. Ex q;bus græca
 ista mitto, missurus & latina si tibi id placere intellexero, tuū itaq;
 erit rescribere. Vale, & quæcunq; præstare poterō a me fidenter exi
 ge. Ex Nuremberga kalen. decembris. Anno. M.D.XII.

Nicolaus Gerbelius Phorcensis, Ioanni Reuchlin, S.

Non parū animi angor expectatiōe illa lōgiuscula, immo q̄
 mihi longissima est p̄ceptor & pater suauissime, q̄ te interea
 t̄pis cum a me discessisti cupide atq; inhianter expecto, indi
 esq; magis ac magis emaceror, quo cōstitutū tēpus spe diutius pro
 rogat. Non nihil enī mali suspicor quin uitā tuā (q̄ mihi mea salute
 charior est) nescio quis malis flatibus urgeri dolēter p̄imescā. Sunt
 mihi apud hospite tuū hic quotidiani nuncii & exploratores, q; me
 hoc unico solantur prope diem te aduolaturum, diū tibi dent alas

IO. REUCHLIN. LIBER PRIMVS

Mercurius talaria, Neptunus equū, ut ad nos aduoles celeriuscule, quo tuo affatu aspectuq; dulcissimo dulciter nos exhilarari cōtingat, quoties mecū memoria repeto (repeto autē sapiuscule) quorū es inquā in animū reuoco disputationē illam præclarissimā, qua de philosophia Platonica grauitē & sapientissimē dissertabas, nō possum non in pueriles lachrymas effluere. Si tua illa me diuina atq; sancta eruditione uti non liceat, si me tuo præscripto placidissimo meliorem doctiorēq; fieri negatum est, quo se usos olim etiā literatissimi hoīes reuerentur suis monumentis literariis attestant, quin potius deseram patriamq; domumq; paternam, & te dicentem copiose, disputantē acriter, prudētēq; docentē comitemur quorsumcunq; uelis. Nimirū amatissime pater tam gratus est mihi tuus fragilissimus ille sermo, tanq; accepta doctrina tua, ut nihil pro acquirenda ista graue mihi, nihil molestū durumue uideri possit. Faciat deus te mihi talem præceptorem fore, qualē me tibi perpetuo glitine connexuq; consecraui. En expecto quēcunq; me habere uis, eū ipsum me efforma. Vis græcis studeā, studebo græcis, si Platoniciū me esse uelis, Platonem uoluam, reuoluam, uolutabo. Sin Liuianū, Liuiū plegam. Oīa sub nutu stentq; cadantq; tuo. Vale foeliciter.

Nicolaus Gerbelius Phorcensis, Io. Reuchlin S.

Missimus ad te nunciū quēdā diebus superioribus anteq̄ patria discederē, q̄ lras tuas ad nos deferret. Verū qa domi nō eras frustratus sum & mea spe ingenti beneficio qd̄ apud amicos tuos fuissem consecutus. Nihilominus tū doctore Cuspinianū accessi, eumq; salutauī noīe tuo diligentissime. Cumq; genitor me⁹ qui mecum Viennam petiit patriam esset repetiturus suam, rursus Cuspinianum tuum salutauī, petiī literas ad te iure ueteris amicitia daret, respondit se non posse nunc tuæ humanitati respondere, quoniā libri eius angulatim essent dispersi, propter incendium horrendum & formidabile, quod & passus sumus, atq; maius futurū perituumimus, addidit tamen ut ego te salutarem scriberemq; postq̄ literas tuas reciperet scripturum se quoq; diligentissime. Volui uiro huic eruditissimo humanissimoq; morē gerere, atq; tibi præcipue, cui me, atq; mea oīnia ingenue offero. Vale foelicissime atq; rescribe, ne me pigrū extitisse credat ea in re noster Cuspinianus. Viennæ postferias Pentecostes. Anno. M. D. XII.